

Na osnovu člana IV. 4. tačka a) Ustava Bosne i Hercegovine, Parlamentarna skupština Bosne i Hercegovine, na 17. sjednici Predstavničkog doma, održanoj 16. septembra 2015. godine, i na 10. sjednici Doma naroda, održanoj 14. oktobra 2015. godine, usvojila je

## **ZAKON**

### **O DOPUNAMA ZAKONA O PREKRŠAJIMA**

#### **Član 1.**

U Zakonu o prekršajima ("Službeni glasnik BiH", br. 41/07, 18/12 i 36/14), u članu 27. stav (2) iza riječi "trajanju" briše se zarez i dodaju riječi: "ili zaštitnu mjeru oduzimanje predmeta".

#### **Član 2.**

U članu 28. iza stava (3) dodaje se novi stav (4) koji glasi:

" (4) Prekršajni nalog sadrži pouku da, ako lice protiv kojeg je izdat prekršajni nalog prihvati odgovornost i najkasnije u roku od osam dana od dana prijema prekršajnog naloga plati polovinu izrečene novčane kazne, oslobađa se plaćanja druge polovine izrečene novčane kazne."

Dosadašnji st. (4), (5), (6) i (7) postaju st. (5), (6), (7) i (8).

#### **Član 3.**

U članu 30. iza stava (1) dodaje se stav (2) koji glasi:

" (2) Ako lice prihvati odgovornost za prekršaj i u roku od osam dana od dana prijema prekršajnog naloga plati polovinu od punog iznosa izrečene novčane kazne utvrđene prekršajnim nalogom, oslobađa se plaćanja druge polovine izrečene novčane kazne."

#### **Član 4.**

U članu 42. iza stava (5) dodaje se stav (6) koji glasi:

" (6) Ako se utvrdi da za prekršaj indirektnih poreza kažnjeni izbjegava da plati novčanu kaznu ili mjeru naplate protuvrijednosti robe izrečene rješenjem suda, sud će od Uprave za indirektno oporezivanje zatražiti da provede postupak prinudne naplate po Zakonu o postupku prinudne naplate indirektnih poreza ("Službeni glasnik BiH", br. 89/05 i 62/11)."

#### **Član 5.**

U članu 44. stav (2) iza riječi "predmeta" dodaju se riječi: "kao i sredstva od naplate protuvrijednosti robe".

## Član 6.

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01,02-02-1-9/15  
14. oktobra 2015. godine  
Sarajevo  
Predsjedavajuća  
Predstavničkog doma  
Parlamentarne skupštine BiH  
**Borjana Krišto**, s. r.

Predsjedavajući  
Doma naroda  
Parlamentarne skupštine BiH  
**Bariša Čolak**, s. r.